

8. november 2022

UKA2022/82

Nammineq kissaatiginngisaminnik meerartaarsinnaangitsut Qallunaat Nunaanni IVF aamma ICSI-mik ikiorserneqarsinnaangorlugit angalanermullu, najugaqarnermut, misissortinnermut aammalu ikiorserneqarnermut aningaasartuutit peqqinnissaqarfimmiit akilerneqartarnissaannik neqerooruteqartoqartalernissaa pillugu Naalackersuisut peqquneqarnissaanik Inatsisartunut aalajangiiffigisassatut siunnersuut. Tamatumani siunertaralugu nammineq kissaatiginngisamik meerartaarsinnaangitsut ilaqtariinnut inuiaqatigiinnullu iluaqutaasussamik nuannaarutaasussamillu meerartaarsinnaangornissaat.

(Inatsisartunut Ilaasortaq Anna Wangenheim, Demokraatit)

Siunnersuuteqartumut qujalluta, Siumumiit imaattumik oqaaseqassaagut.

Siullermik maluginiarparput Siunnersuut isikkumini 2019-mi Siumumiit inatsisartut siunnersuummut assingoqqissaarnera. Siunnersuut arlaannik pissuteqartumik tunuartinneqarsimavoq isumarpulli allanngornikuunani.

Nunatsinni amerliartornerput sutigut tamatigut arriippallaarpoq, amerlisarsinnaanitsinnut periarfissat suusinnaasut tamaasa ammaffigigisariaqarparput.

Siunnersuut taamatut siunertaqarpoq meerartaarusuttunik sullissinerput una inatsit aallaavigalugu qulakkeersinnaappat isumaqatigivarput.

Siumumiit siunnersuut taamatut isikkoqartillugu tapersorsorparput.

Hans Peter Poulsen, Siumut